



永勿雜體百首

永勿雜體百首
今



玩鷗先生詠物雜體百首

丹後湊木下公琴子賤全

平安賀象伯魏甫著

南紀高野釋良深章應拔



琉璃燈

一點玲瓏映八方不知誰巧照無量放光高住琉璃
界分影長棲玳瑁梁璧價連城纔咫尺燈雖走馬却
尋常唯疑水氣助膏氣此理須應問藥王

炭尖 ヤキノチ

挾提剔齒出身同却見登庸賴火攻後素須休誇繪

事陳玄將愧假毫功，鏡花水月終無迹。鳥篆浪紋本是空，調笑毛錐頭易秃。偽名偷得管城公。

題大津画分得壽老人薙髮圖

仙神壽福利生齊，底事翻然入菩提。為是長頭難剝盡，至今猶未下階梯。

疊屏 今ノ屏風

直立如何得禦風，遮屏但是曲全功。隔齊胡越人難遇，語似鄒魯信易通。千里江山藏遠夢，一牀衾枕不遙空。圖來恰好荆卿事，起脫秦皇七尺中。

貧家雪

雨雪歲深煙火空，幾聲扎扎破窓中。痴兒不識無衣苦，陌上相呼走北風。

湯婆

老大安眠少，金缸欲假春。寒宵湯有力，永夜被常親。不羨香肌暖，能教冷脚伸。婆心最切自，似熱腸人還俗尼。

阿迦及去奉金僊，映水衰容傷妙年。風葉關心秋可厭，雨華轉惜暮殊憐。六根動被牽魔障，五濁猶疑薄佛緣。色即是空空，即色翻然粉黛競。嬋媚。

海和尚 タコ

佛法漸東遍海區魚曹亦見有圓顛尋常敢賜袈裟
紫百八自生衣衲珠芋圃月明懷盜竊沙汀春暖結
跣跌鴉鳶雙眼能成遠墨水晦蹤欲捕魚

美人調鸚鵡

禁漏沈沈鸚鵡鳴竊閑宮女暫相迎金籠可忍烟霞
想雪翎難舒邱壑情柳外春深語舊譜花前晝靜學
新聲由來巧舌能言語代妾慙勤訴不平

佐野雪

風雪途窮乞宿時白龍魚服又誰知摧來紅火薪三
樹說盡黃梁夢一炊情熱寒宵如挾纈意投芳茗勝

卸卮滿庭枯木含春色堪下舊封衣錦期

脚爐コタツ

休道剥牀將及膚禦冬全賴此方區鑿期豚日頻探
曆煖引春陽已滿爐閨秀支願何所憶詩人寄脚有
工夫熟腸寧管湯婆妬唯恐薰風聘竹奴

魚登龍門

江湖多水族孰是上龍門晦霧金鱗閃懸泉白日昏
知方撼地軸已欲朝天閣掉尾風雷鼓揚鬣雪浪翻
凡魚空仰羨庸鼈敢攀援謝跡波臣列登階貝闕尊
變將起豹虎化自並鵬鯤看取雲霄志飛騰機會存

月波樓席上詠蟻拈媒字

南柯一_名自夢樓臺華燭王門誰作媒階砌玄裳疏線
路林園赤鞞宴花堆雅名升酒春堪醉先見移居雨
欲來却恐火攻乘不意槐安社稷總蹄灰

冰柱

早起寒窓拈凍髯垂冰恰結水晶簾人工敢及天工
妙但恐朝暉上瓦簷

硯池冰

雪其邀友侑瓊卮呵筆推敲未定時端硯看來凍難
墨纔頰餘溼忽泚澌

石決明孟應三宅外卿需

五彩天然石決明奇珍不讓玉杯清殼中嘗寄蜘蛛
類醉後漫呼鸚鵡名紫錦紋隨頰瀉動黃金色及滿
盈生元知_{并澤}猶存愛况又家嚴自製成

枕

錦衾相映爛出處亦應隨殊愛蓋綿嫩何論貯菊奇
歌方聽雨夜抱是憶入時借老深閨語恩私唯汝知

紫藤

嬌龍翠蔓態殊輕裊裊受風依竹棚賜紫袈裟來闔
色奪朱桃李避含情遠人誤認真人氣稚女指言天

女嬰柔性元因難作力纏綿攀得託松榮

新竹

梁園貴族本同胞幹作官簾擇作包湘淚啼來猶未
深萊衣柔罷已為拋凌雲高影從低影經日新梢壓
旧梢堪喜龍孫成長早過朝支庶在僧庖

蓮華菜

ケケケナ

細艷纖莖誰不憐纔離城市已芊芊春風披靡紛於
線晴野平鋪麗似氈錦纏影迷朱鬢馬弓鞋步乱紫
金蓮俯摘仰呼嬌姊妹笑聲斷後鎖輕烟

浮水泥塑

蓮坐錦舟品未同欣欣稚子放盆中迴旋自在瑠璃
水扇動何須紈素風鷁首龍頭爭殿最豆人寸馬競
雌雄分明彩画妝泥塑木偶休嘲逢雨融

雪仏三首

圓滿摸成相好鮮休誇長者擲金錢豈同帝力無功
德綴屬兒嬉有結緣不假青黃膠漆合寧須地水火
風全雪山出世何攸畏惠日照來歸渙然
凝華製造厭凡庸奇巧經營螺髮鬆黃面瞿曇難彩
色白衣菩薩易形容一刀三禮何煩刺七孔四支還
勝鎔新佛丹霞寧下手幻中幻相本無蹤

如來具相製何工銀粟今看金粟同扁祖元知嫌熟
氣結助寧性忍寒風負播只是尋常體映月頓成丈
六躬欲示本來無一物幻身滅度總歸空

美人采蘭

纖手采蘭頰玉簪傍人寧解意中深拈華不待他微
笑嬌靨嫣然見會心

十三夜賞月應 桂陽尊者命分賜蕭韻

何年始賞抄秋霄雲幙褰呈仙態嬌笑面靨生應似
缺愁蛾眉重未全翹三千世界齊分影大八洲中獨
占宵望月甚肥弦過瘦楊妃將妬極風標

詠菊贈餘居卿

洗葉培根經幾時一身精力在東籬欲知花候先窺
唇為待秋期未賦悲色亂還鄉衣錦美光同滿地布
金施風流千歲柴桑後除却主人更有誰

菊戴綿

吾邦古來 御園及羣臣邸中九月重陽前
後菊花不論開否以彩綿覆之五彩煥發絢
爛奪目望之宛如錦繡隋宮剪裁不帝實美
觀也俗傳曰若貯件彩綿則未嫁之人早得
赤繩緣以故宮娥競藏諸鏡匣和歌往往詠

之題謂之菊戴綿

奇温非是禦寒加織巧粧秋叢菊斜裁錦偏輸勞燕
前揉綿却勝点香葩雖嬾墜露頻成玉轉愛疎烟似
罩紗月下老人何用倩良媒將託鏡中花

秋蝶

彩褪輕衣色轉沈孤飛索莫憇牆陰菜花猶引春郊
夢蟋蟀易驚秋逕吟老去舊宮人有怨愁來新曲舞
無心揚家妃子承恩後隨止宴遊何處尋

鳳車蝶

狂舞春叢裡如何同隊稀紅縑非墨染班爛訝萊衣

遇雨粉何減承風力不微鳳車名亦好呼得有光輝

將碁

紋揪排列異圍碁攻守先看下手奇割據崇墉南北
峙雌雄猛將角車馳戰酣桂士斜飛馬軍敗步兵崩
失麾今日金銀難用賂二王了局在何時

假山次滕士善韻

誰假愚公力孤山忽勃興蚊將舒翼負蟻自運糧登
已疊重層勢何須一撮增羊腸休道險險韻次難稱
美人劍舞

君王近厭奏霓裳御宴時迎孫大孃試使宮娥教劍

詩集卷首
舞不勝柔腕拂秋霜

霰酒

鶯黃蟻綠滿乾坤寧及頤杯不用溫落落晨星飛有
影浮浮香玉嚼無痕滑比湖中蓴菜色味同塞北酪
酥飧雨雪將來先集物春宵釀得在芳樽

杖

烏藤誰製杖行止任人情春徑荷花重酒家沽醉輕
一身為伴侶千里自縱橫雖叩原壤胫却呼扶老名

蕭寺菊

叢菊多時培養加秋風果媚滿籬花色侵金粟如來

座興奪柴桑處士家不用落英薰枕簟自然幽馥染
袈裟何同愛着人間賞隨意芳姿伴結跏

美人臨鏡

菱花光暗拭香塵將掃蛾眉還似顰蕩子已嫌容色
減相憐唯有鏡中人

美人晏起

繡帳燈微夢未收何知紅日上簾鉤枕痕纔拭飲雲
鬢且問牽牛花發不

美人折柳

春晚空閨自不持東風寓恨翠揚垂折去徘徊何所

擬痴情故學送即時

泥嬰、夕カ人形

一顆嬰孩白玉身，弄來潛比化生倫。
笑啼寧徹無情物，腹撫還同有意人。
宴處食時何暫去，掌中膝下轉相親。
衣裳製罷試寬窄，不奈驕兒乞得頻。

賦梅擬張大史咏竹體

梅梅映牖傍臺敷，錦繡出塵埃。
葩紅萼綠月宿鷺來，綽約羣仙態。
芬芬万木魁，夜榻時移影密春風忽戰。
花堆不擬師雄為，痴想但憐幽艷酌家醅。

小野小町

野氏名媛在妙年，掖連誰又比嬋妍。
百宵空斷鴛鴦契，一字能翻鸚鵡篇。
自惜花顏徒易老，如何萍水竟無緣。
請看頰國多零落，衰白路傍曾乞憐。

初雪

頗覺通宵寒氣催，曉天輕雪舞如埃。
片片迴風犬狂走，大兒喜喚小兒來。

角觥

雲幙沙埤鼇柱中，東西分隊競雌雄。
垂禪映日搖麟鳳，勇氣劈山鬪羆熊。
拱揖宛存君子禮，指揮殊寢監司功。
纏頭如雨聲崩岳，決得何魁拜賜弓。

咏物百首

九

五五

湘筠焙茶ハフジ

湘竹編來霜楮遮キレ一團微火映ス紅葩常含溫暖陽春
氣能貯芬芳白露芽ヲ夢破午窓添碎炭吟疲夜坐焙
飛霞醉人醒客俱相賞何必風流盧陸家

追儻ツイナ

紫宸除夜景如何列炬煌煌當直多金目熊皮方相
走黃門雷鼓百依過タツ羣喧索室驅トク邪疫一笑搖タ簾認
艷娥異域不知吾日域家家撒豆擬追儻

炭

黑質疑頑石投ラ爐發赤心ヲ候寒遊市井避暑在山林

熾位羞求寵復讎奈變音裂膚貧屋夕寸片貴於金

蕪菁カブラ

芳菜轉移隨陣營木牛流馬競功名却憐下體尤甘
味諸葛千年知己生

白菊

東籬素艷領秋芳好送重陽又小陽風疊タテ瑤波聲不
起月扶タテ仙態影成行將言ト脂粉汚カク顏色寧學ニ妃嬪和
淚救諸品多違呼ニ隱逸獨憐瀟灑ニ潔於霜

妓家雪

章臺曉覺枕衾寒堆雪試教侍婢看ラ報道門前深キ數

言物百首
尺不知何路促歸鞍

美人圍碁

春風殿閣促圍碁應是宮城賸夜時解語櫻桃排陣
勢無情枰局寄軍機漲紅俱競雙花頰頰翠相挑兩
柳眉柄腐休言王質斧至尊長待決雄雌

雪花菜

淋之叔乳脫囊機淡味休言糟粕非蒸石焦家輸煖
氣連城和璧韞光輝淮南秋桂花堪想郢里春風雪
不飛綴恨謝庭遺譬喻凶年看汝勝珠璣

月波樓席上詠蚯蚓

蟠蜿蛇行西又東名龍未聽隸龍宮夏畦須病逃無
地秋露漸蘇吟和風歌曲偏能按三疊琵琶將讓泣
孤蓬坳泉些壤逍遙足不用慙慙七竅通

艸花

纖艷兼纖綠微風自在吹昭君凝恨處虞氏化魂時
草帶斷腸色花含解語姿靡靡南又北何地有相思

十六夜月

嫦娥休道減容華嬌態猶纔及破瓜開鏡縱教無片
翳連城只是惜微瑕西宮夜靜人添感赤壁秋高遊
已差今夕頌遲前夕早飽看斜影照籬花

言物百首
五車樓
菊花枕

彭澤秋籬彼一時殘黃剩馥歛吟雖羅浮難信梅魂
艷平峽枉勞雲夢痴貪士曲肱憐索莫學生警夜不
新奇化蝶花間何處去卧床相繞未相離

題鼠據碩果圖

有皮還愛非真鼠蹲據磨牙無所施碩果苑然終不
食寓得一陽來復時

半開梅

雪骨冰膚姑射倫嫣然未盡啓芳唇寧論玉笛吹將
落唯喜銀瓶貯久親凝態揚妃纔出浴捧心西子漸

奴顰月及滿輪終易缺休論素艷十分春

題趙飛燕圖

赤鳳歌來人不知深宮似海有誰窺玉林將結偷春
夢暫託前宵掌舞疲

仙家雪

蓬萊和景四時均憶栗無端飛雪新琪樹驚離柘孔
雀金壇怪起卧麒麟仙班授簡誰司馬王母侍婢爭
塑康知是韓湘施戲術藍關想得駐鞍人

蓮花

紅蓼叢叢妖艷加金風一掠壓漁家低垂映水魚應

醉香穗獨誇秋後花

題八居圖分得舟居

蓬窓眩臥幽夢蟹舍鷗栖並隣陸處無家孰客舟居
非水何人高低鼓吹漁棹閑適生涯釣綸世上風波
不穩悠悠自在斯身

故人入道

暮迎朝送章新救嘗斷宵宵幾客腸歌舞西方懷菩
薩枕衾北里謝鴛鴦艷情寧熟松門月舊夢猶寒柳
巷霜彈指人間榮辱幻蓮臺悟得未來長

馬

昇平海靜掃鯨鯢躩蹠楸間碧玉蹄胡地凜霜秋未
踏章臺宿霧曉常迷送來多伴征人別換去將教愛
妾啼應是調場試馳騁追風奔電隔花嘶

幽靈蠟燭

幽靈字出于文遷祭古冢文近京師
工人始製此燭一室以楮障隔之點
火于燭則映容宛然
遐邇傳玩賞之云

一枝蠟燭火光工暫惹香魂返彼中髮鬢美人迷暗
影團縈坐客覺淒風揚妃私語全難信武帝哀情事
已空招得嬋妍纔咫尺朝他道士小神通

製燭工夫真化工宛然妖態楮屏中巫山神女元雲
雨漢帳美人非火風若認鏡花論幻實竟將品電惑

真空痴心猶是存，迷着試問舊情通不通。

玳瑁櫛

玉梳象掃不新奇，製得方匾玳瑁宜。一點班痕湘竹怨，十分光彩楚牛疑。暮拋花雨舞狂處，朝掠雲鬢夢返時。豈啻盧家柶海無，頽然將墜俯蛾眉。

朝日圓如鏡

曉鴉辭宿後，赫赫一輪曦。雖月憐盈夜，有時成半規。妝臺迎駐影，明鏡讓羞姿。縱教存畏愛，千古無增虧。

題西伯照假山池

孰年一簣始成功，彩石銀泉湛疊工。運蟻苔苔迷積

翠遊魚花岸躍，飛紅爛柯仙局藏。何處鼓枻漁舟定，彼中不問山池真與假。主人樓閣壓壺云。

雪中白牡丹

何物仙人弄術來，嚴冬忽見牡丹開。寒風已漏春風候，冷艷寧分濃艷堆。雲母屏清籠玉貌，霓裳舞罷倚瑤臺。沈香亭上饒詞客，除却青蓮誰得裁。

水底見山

山枕澄江遙受暎，玲瓏倒影帶風翻。畫波奔兔終非誣，綠木求魚強莫論。樵客半肩沈有步，漁人一棹破無痕。詩文結構須警發，水月鏡花寓意存。

醉美人

舞罷君王賜酒後，侍婢扶醉下瑤階。春風猶恐吹裙帶，含態遲遲移繡鞋。

提爐分得春字袖爐，

鳳蓋龍身製巧新，包藏炎德待寒馴。柳榆故勝香肌煖，提挈自教龜手伸。不如湯婆專夜寵，漸親班女恨秋晨。綿衣何獨奇溫物，袖裏乾坤別有春。

霰 邦俗除夜戶戶撒豆驅疫

寒色蕭條晚霽生，忽聞風霰撲連甍。兒童誤作歲除夜，怪問門無驅疫鼓。

織女懷牽牛

霧帳雲牀銀漢中，盈盈水色隔西東。一宵繞結鴛鴦夢，各地久無烏鵲通。下界牽牛花有恨，上機投杼錦難工。愁来自慰歡期遠，孰似蠹蛾老兔宮。

水仙粽 久チマキ

休道尋常端午，殮淒風締結本同根。龍鬚解去篠胞脫，鱗角蒸來脯肉存。沙漠寒天獲武食，金陵夜月謫仙魂。水晶盤裡看忘暑，賞味何須牙後論。

月下菊

菊花呈媚月含情，佳色流暉相映清。天上嫦娥光誘

引籬遶帝女影遷行風翻白繡球堪蹴露重黃羅繖
易傾鮮艷看來麗於畫任他步屣亂蟲聲

泄樹 ホラスカス

樓居咫尺對東郊新樹還嫌迎夏交搖落悲秋嘗作
賦洗疎明月故鎌梢清風自共故人至輕扇全兼世
事拋拮据但憐烏鵲伴投來何處欲營巢

蓮應 方廣大王教

免死兼開鹿苑陰雁池花發色殊深計時廬岳長傳
漏移步潘妃枉費金馥郁頓消煩惱念泥不染菩
提心莫論微笑拈華事好向大王風裏侵

同詠對

何年因累黍量計免煩勞省豆初歸正並管全寓朝
晏嬰論世態李白長詩豪十爵元非少任他對濁醪

瞿麥 ケシ

細艷送春紅紫開風薰摺扇欲摸來鴛鴦恐作孤牀
怨泥露瀼瀼不受埃

鉄火箸 ヒビシ

莫言于鎮味相離鉄筋雙雙雄與雌排撥寒灰書可
學周旋堅炭火堪移春燈儘作剪花杖午札時當鎮
紙兒切戒酣歌休擊節錚錚恐起唾壺悲

採松蘿

雨足山虞近，鼓知松蹊已到。採菌期偏，驚羅綺群遊，處難信。林巒搖落時，堆葉纔穿拳勢。小釀烟稍拂，織形披奚童運石，何攸作。墨突竈成烹，調宜。

早梅

探芳心切，夢羅浮，微煖促來香暗。流凌雪孤，高松讓節，點星餘照。月成傳花邊，不繫王孫馬。樹下纔看韻，士裘却愛窮陰，人不至。詩腸遺恨，欠鸚喉。

月下籠蟲

煩音近厭，竹葉絲頗愛。籠蟲鳴鬪，奇班女香，閨地扇。

夜孀娥寒鏡倚粧時，微雲點綴愁收韻。溥露沾濡，顧帶悲銀漢，漸西人已寐。簷前一任曉風吹。

彈琴浦

怪來脚底，散琴聲十里，平砂步步生難察。微音人佇立，不勝清怨。雁哀鳴曲，含山水，我洋響。感動婁琴和樂情，若使鐘期過此處，突然應喚伯牙名。

摺扇

輕身瘦骨，翕開工握柄，冷然驅祝融。紈素休誇似明月，琅玕本自帶清風。弄旋胡蝶翎，羞影遺却珊瑚鞭。讓功不擇文人兼武弁，秋冬併佩劍雌雄。

提燭奴

終宵雖秉燭咫尺倩人遷熱手何知濯簟風未覺煽
纔親翰墨坐不照綺羅筵愛汝能勤仕守隅童子眠

隣家花

宋玉文章獨自誇春光占得在東家登牆寧有窺予
女笑對微風一朶花

綿子

勁寒轉覺老衰筋綿襖不須針線工妓肉屏圍非韻
車竈爐薪炭費燃功三軍將說君恩幸一日忽懷叟
背烘捨汝溫柔何物是及裘雖敵易蒙茸

芭蕉布

涼衫恰訝蜀羅清誰識蕉皮織得成吟露蛸蟬雙翼
舉御風仙子六銖輕休言製斗幹旋刀却劣些鹽皺
襪平脆弱今猶存故態滿天霜雪轉堪驚

落葉

朔風搖落打山房懶僕痴童為尔忙砂砌紛紛理鳥
篆苔池點點攪魚行秋深筦帚歸成禿風急梗梳疲
技痒逐日增生閨怨切征人猶自在遼陽

紅白盆梅

盆中綽約一梅花半染臙脂半素葩並蒂芙蓉嬌喚

伴双飛，蛟蝶占為家。隨風忽散，皚皚雪送，雨纔殘。艷
艷霞坐訝，閨人裁剪，巧紗窓。分影自參差。

秋海棠

細艷妝臨水，鏡臺偏憐。八月竊春來，芙蓉喚姊黃花。
妹蟋蟀寄音，胡蝶媒銀漢。曉沈眠未足，金風露碎，夢
初回。海棠分族，侵秋姓子，美猶應難試才。

謝古淳風見贈二頭筆

家童忽鼓美人貽，握筆頗懷握手時。才竭文通疑夢
授，花生太白假詞資。並頭蓮發升烏几，連理枝垂臨
墨池。不說翰林相隔遠，看來坐右未曾離。

竈墨火

爨初斂，沸騰聲竈墨爛然。星彩生離畢，縱諧占雨
候，非箕何喚好風名。提梁移處，憐金粟，刷帚加時惜。
玉英范子，金中魚近躍，不看又汝發光明。

青梅

半夏生前欲雨天，黃梅未熟標階邊。色同青玉人呈
案，形類驪竜珠出淵。唯怪斯花無楚什，僅看其實入
詩篇。春風笛裡含離別，終比和羹台鼎賢。

茶鋏

茗社營營丈室中，招賓何暫此君空。梁園帝子曾分

族懈谷伶倫餘截甯清骨縱誇三碗妙點湯全賴一匙功尋常猶是貴於玉況出公侯手製工

五色砂

女媧煉石補天後遙擲扶桑散在斯瞽者寧關來探勝犬人何獨拜稱奇分明不假離婁目哭泣堪嘲墨翟絲如是恒河砂數夥豈妨一撮撒盆池

鴛鴦螺

俗多子稱

天然輕舸不施工應笑人間多費功螺殼浮來千里海章魚占得一帆風嘗疑雀蛤能為化今怪鴛鴦或失雄聊作花瓶懸座右新奇獨賞勝筠筒

祇園祭優行

百世不遷平安城四方鎮護多神明皇家祀典存常格歲時享祭報昇平土地城隍廟祝吏祀事習俗各經營就中最盛祇園會神輿奉迎夏五晦擡舉丁壯幾千人袒裼裸體成一塊悶宮直下至行宮勢如波濤帶颶風遙拜貴賤相蹂躪散擲青趺飛晴空須臾巡行歸旅次此日狹斜綠鴨東葛原之衢及新地八百女問指掌中許願還願娼妓輩祭優兩隊各競雄如今大率如恒例有上京兆係治切頭會括錢供費用官吏何管訴凶豐催促品題新趣向多擬演劇構

奇工年々歲々趣相似歲々年年々扮不同去年生白
今年丑甲歲老嫗乙歲童此時牛廟靈鎖傍東西南
北列賃林淮南雙亭當壚女邀客相妬鴛與鴛觀者
跂立嗔牆面躡踵肩摩動土崩狻猊門外石梯下一
望綺街至劇場士女雜遝塵烟漲驕陽時節勝艷陽
翠簾高捲千樓晚紅裙映日庖廚娘姬姜玳梳看將
落俯閱紙薄連綴行已報前導行燈見柵陳叔聲暫
停觴前席簷端屏息狹遙聞先鳴唱樂起隋宮剪彩
移春檻爛熳牡丹回首視一樣衣裳紅羅笠吳紵蟬
縠香汗濕緄絃繁手鉦鼓喧節奏淫哇戲習々休道

絲兮不如竹賞音誰又論及肉肉味相忘三嘆餘響
屨弓鞋逆拭目漸入佳境麗人部金蓮步々無蹉跌
含嬌含態自舒遲標致由來皆殊絕有脚芍藥活芙
蓉芙蓉芍藥一何穠西施捧心楊妃醉了鬟來侍扶
頰容有仍鬢髮金步搖百媚千妍筆難描雷同犬吠
呼所望飛燕掌舞迴細腰不壞霓裳羽衣曲梨園女
優輸妖嬌摸倣秦王破陣看男粧抹顏如渥丹慶氏
鬪士應解甲角觥魚龍何足觀伎罷整列次第遷輕
羅小扇相擁扇秋波斜寄稠人裏流眄多情在誰邊
豈別熟識兼生面心醉魂迷轉欲顛行雲流水終無

賴後進，倡樂鼓填填。君不見東都諸侯八百，衙墨水
夜遊競豪華，千艘萬艦烟火戲。光燒綠波火似花，又
不見浪速管祀稱繁華。河連燈舫陸棚車，檀持利兮
聲霹靂。豪華繁華又何加，祇園倡樂麗人部。風流艷
冶獨堪誇。

高野山行送沙門良深歸本師

南紀邦中高野山，翠屏丹嶂聳雲間。維昔綦綦塞其
路，怪獸成群不易攀。仙人小角著先鞭，不動尊像半
亂鐫。留待後來太德者，尔後星霜幾度遷。弥勒化身
現女相，一夜奇夢姓金僊。誕弥厥月生，如達小少頽。

異自巖然棄息已，入無為道真實求。法去隨緣万里
同航，遣唐使異域辟雍留學。年內外墳典窮秘奧，金
胎兩部自彼傳。衆生濟度普天下，法相三論八宗賢。
總隱法旆趨下風。天朝論座顯神通，西寺有僧号
守敏。我慢褊心嫉欽崇，將競法力封貝闕。禁咒制伏
大小龍，旱魃不降一滴雨。裡祀奠瘞術已窮，河海如
快真火宅慧眼觀通遍界，中唯餘天生無熱池善女。
龍王來於斯，油雲沛雨飛霹靂。人天共仰法驗奇，褒
賞勅賜鴻臚館。金剛峯寺又開基，題題避跡妖蛇窟。
魔軍角崩變護持，輝々御廟燈千万照得長夜配晨。

穢嘗聽若一蹈法界悉皆成佛誓不違君不聞王
室解紉至天正郡國割據互支征中有英雄稱猿面
卒伍出身一提兵天授將才無當者向處簞食壺漿
迎獨有根來頑禿輩忘却慈悲忍辱名修羅闖場揮
劍戟火攻水計滅柵城餘波將及劫運日闔山會合
紛相爭或唱保策或降議築室道謀不潰成應其碩
德曉喻切講和唯應推至誠淪胥以亡又何益於是
計決衆心平宸翰新賜興山額土田永領豐公盟
甲冑投擲服袈衣檀越安穩年穀祈梵貝悠揚和松
籟懺禮誦經滿禪扉明慶徒弟良深子瑜伽三密窮

精微翅恨臨讀口荆棘發憤負笈來帝畿從遊吾黨
侍講幃雞鳴孳々學斯文日誦二典與三墳精勤判
苦絕等羣君不見京師繁翠妓樓藪柳巷花街女如
雲游子往往陷女間纏頭金竭典笥書無衣忍寒還
鄉土愛汝平生不出居忽感時候懷師父杖錫輕鞋
雪降初歸省遙指碧崔嵬寒儒固無錢別財聊記祖
師仰高行俛及勝地古香臺師恩須弥又蒼海行矣
煖席謹趨陪再遊乞暇應卒業維下春風不日來

詠物續篇雜體百首終

玩鷗先生當今海內文宗。學詩尸祝焉者夥矣。予曩年讀厥詠物百首。歎服題新才奇。雖向慕切也。僻在遐陬。未由親炙受教也已。京師天明災後。先生遊天橋投宿予家。數日講易。面觀其作詩。奇警巧捷。實過于所聞焉。爾後與鄉友伯熙季亮輩。時時請駕受教。有年于茲。近聞先生將有東行之舉。因與僧良深謀。就稿拔粹詠物若干首。命曰詠物續編雜體百首。授梓。若夫詩文全集之刻。他日出于東方。吾輩延頸而俟云。

寬政癸丑之冬陽月

丹後湊

木下公琴謹誌



寬政六年寅三月

發行所

皇都書林

菱屋孫兵衛

大坂書林

塩屋平助

江戸書林

須原屋伊八

尾州書林

永樂屋東四郎

